

Ислом Канадада энг тез ривожланаётган диндир



12:00 / 02.12.2021 1877

StatsCan томонидан ўтказилган Канадада диндорликка оид янги тадқиқот шуни кўрсатдики, мусулмонлар сони 1996 йилдан бери уч баробардан кўпроққа ошган. Ислом дини бу мамлакатда энг тез ўсаётган динга айланган. «Канададаги диний манзара сезиларли ўзгаришларга дуч келди», деб ёзади таҳлилчилар StatsCan томонидан чоп этилган ҳисоботда.

«Социологик нуқтаи назардан, мамлакатнинг диний таркибидаги ўзгаришларни ўрганиш замонавий жамиятлар дуч келаётган айрим ўзгаришларни яхшироқ тушуниш имконини беради. Бундан ташқари, дин аҳоли ўзгариши учун муҳим, чунки у никоҳ, ажралиш ва туғилиш каби муҳим демографик омилларга таъсир қилиши мумкин», дейди таҳлилчилар.

1985 йилда Канадада мусулмонлар шунчалик кам эдики, федерал сўровда дин «бошқа» нарса деб таснифланган эди. Урушдан кейин ҳам Канадада мусулмонлар сони жуда кам бўлган.

StatsCanning олдинги агентлиги Доминион Статистика Бюроси маълумотига кўра, 1944 йилги аҳолини рўйхатга олиш сўровномасидан «мусулмон» сўзи олиб ташланган эди.

Ҳозирда Канадада 1 053 945 га яқин муслмон истиқомат қилади.
Канададаги муслмонларнинг аксарияти сунний муслмонлардир.

Манба: Islam.ru